

Headline	PBB gesa Bangladesh terima pelarian Rohingya		
MediaTitle	Berita Harian		
Date	28 Apr 2020	Color	Black/white
Section	Dunia	Circulation	82,252
Page No	33	Readership	246,756
Language	Malay	ArticleSize	140 cm ²
Journalist	N/A	AdValue	RM 2,369
Frequency	Daily	PR Value	RM 7,108



PBB gesa Bangladesh terima pelarian Rohingya

Dhaka: Pertubuhan Bangsa-Bangsa Bersatu (PBB) semalam menggesa Bangladesh menerima pelarian Rohingya yang kini terkandas di laut berikutan kebanyakan negara kini berdepan pandemik COVID-19 dan tidak dapat membantu.

Pesuruhjaya Tinggi hak Asasi Manusia PBB, Michelle Bachet, memberi amaran akan berlaku tragedi kemanusiaan yang dahsyat jika dua kapal berisi pelarian yang kebuluran itu tidak dibantu segera.

Beliau juga membuat rayuan kepada kerajaan Bangladesh selepas Menteri Luarnya, AK Abdul Momen, berkata negaranya tidak bersedia menerima pelarian terbabit.

Kenyataan beliau pada minggu lalu itu mencetuskan kejutan kerana hanya beberapa hari sebelum itu beberapa puluhan Rohingya dikatakan maut dalam bot yang terkandas selama dua bulan di laut.

Dua bot berkenaan dipercayai berada di perairan antara-

bangsa dengan harapan dapat mendarat di Malaysia, namun dinafikan peluang itu oleh Tentera Laut Diraja Malaysia (TLDM).

Pasukan keselamatan Malaysia juga meningkatkan rondaan kerana menjangkakan cubaan penyeludupan manusia memasuki negara akan meningkat berikutan ada pihak mengambil kesempatan ketika dunia berhadapan pandemik COVID-19.

Kira-kira satu juta etnik Rohingya yang kini berada di kem pelarian di Bangladesh selepas melarikan diri daripada tentera di Myanmar, memilih ke untuk ke Malaysia kerana ia negara majoriti Islam dengan lebih banyak peluang kerja.

Sementara itu, jurucakap pengawal pantai Bangladesh berkata, sejak usaha membantu kapal memukat ikan yang membawa 396 pelarian kelaparan pada 15 April lalu, kapal berkenaan tidak kelihatan lagi.

AFP